

Stvaranje novih vrijednosti u realnom sektoru kroz aktivnu podršku privrednika i poduzetnika jedan su od osnovnih ciljeva Sparkasse Bank. U tu svrhu, u saradnji sa Vladom Tuzlanskog kantona pripremljena je i posebna kreditna linija za koju raspisujemo:

JAVNI POZIV

za odabir korisnika kreditnih sredstava po kreditnoj liniji Sparkasse Bank dd BiH za 2017.

PREDMET JAVNOG POZIVA

Predmet Javnog poziva je prikupljanje prijava za odabir korisnika kreditnih sredstava, iz kreditne linije Sparkasse Bank dd BiH za 2017. godinu u saradnji sa Vladom Tuzlanskog kantona za privredna društva i samostalne poduzetnike čije se sjedište nalazi na području Tuzlanskog kantona.

Kreditna sredstva u ukupnom iznosu od 25.100.000,00 KM će se plasirati putem Sparkasse Bank dd BiH uz subvenciju Vlade Tuzlanskog kantona u iznosu do 1.100.000,00 KM, a namijenjena su za:

- Namjenska kreditna sredstva u najvišem pojedinačnom iznosu do 2.000.000,00 KM
- Rok otplate: 36 mjeseci
- Visina kamatne stop iznosi 4,2% od čega Vlada Tuzlanskog kantona subvencionira korisniku finansiranja 3%
- Naknada za obradu zahtjeva: 1,3% od iznosa kredita

KORISNICI KREDITA

Korisnici kreditnih sredstava su sva privredna društva i samostalni poduzetnici čije se sjedište nalazi na području Tuzlanskog kantona. Djelatnosti koje ne mogu biti predmet finansiranja : proizvodnja duhanskih proizvoda, alkoholnih pića, otvaranje kasina i drugih igara na sreću i zabavnih igara. Pored navedenog sredstva iz ove kreditne linije se ne mogu koristiti za izmirenje novčanih obaveza po bilo kom osnovu, proisteklih iz odobrenih kredita od strane bilo koje banke.

NAČIN PODNOŠENJA APLIKACIJE

Podnosioci aplikacije pripremaju sljedeću dokumentaciju:

- Zahtjev za prijavu na Javni poziv koji možete preuzeti na **www.sparkasse.ba** i u najbližoj poslovnicu Sparkasse Bank dd BiH
- Uvjerenje Ministarstva finansija Tuzlanskog kantona o izmirenim obavezama po osnovu dodijeljenih finansijskih sredstava iz budžeta Tuzlanskog kantona
- Uvjerenje nadležne Porezne uprave o izmirenim obavezama po osnovu direktnih poreza i obaveza po osnovu doprinosa za penziono-invalidsko i zdravstveno osiguranje
- Uvjerenje nadležnog Suda kojim se potvrđuje da podnosilac zahtjeva nije pod stečajem, niti je predmet stečajnog postupka te da nije predmet postupka likvidacije
- Finansijski izvještaji za posljednje tri godine (bilans stanja, bilans uspjeha, statistički aneks i promjena o kapitalu)*
- Bruto bilans sa 31.12.2016. i 30.06.2017.
- Analitika kupaca i dobavljača zaključno sa 31.12.2016.

* U slučaju da poslovni subjekt postoji na tržištu kraće od 3 godine, potrebno je da dostavi finansijske izvještaje za period svog poslovanja.

Statusna dokumentacija firme:

- Aktuelno Rješenje o registraciji tj. izvod iz Sudskog registra ne stariji od 6 sedmica
- ID broj
- PDV broj (ili ovjerenu izjavu u prilogu kojom potvrđujete da niste u sistemu PDV-a)
- Statistika
- Odluku o osnivanju ili Statut društva
- LK i CIPS prijavnicu mjesta boravka ne stariju od 6 mjeseci za osnivača društva i direktora društva
- LK i CIPS prijavnicu mjesta boravka ne stariju od 6 mjeseci za ovlaštene potpisnike (ukoliko se po računu ovlašćuju osobe/ funkcije koje nisu navedene u Rješenju)

Dokumenti koji se prilažu uz prijavu mogu biti dostavljeni u kopiji, uz obavezu dostavljanja ovjerenih kopija za one aplikante koji uđu u II fazu selekcije odnosno u sam proces odobrenja finansiranja.

Aplikacije se dostavljaju lično ili preporučeno poštom u zapečaćenim kovertama na adresu:

Sparkasse Bank dd BiH - Filijala Tuzla
Maršala Tita 2A, 75 000 Tuzla
Sa naznakom:

Ne otvarati – po Javnom pozivu za odabir korisnika kreditnih sredstava po kreditnoj liniji Sparkasse Bank dd BiH za 2017.

Na poleđini koverta obavezno navesti:

- naziv-ime podnosioca aplikacije
- adresu i kontakt telefon
- ovjeriti pečatom podnosioca prijave

Neblagovremene prijave, prijave koje nemaju sve potrebne elemente kao i prijave koje ne ispunjavaju uslove ovog Javnog poziva neće biti razmatrane.

U postupku Javnog poziva Banka ne snosi nikakve troškove sudionicima na konkursu, te je prispjela dokumentacija nepovratna. Javni poziv ostaje otvoren do utroška sredstava, a najduže do 31.08.2018. godine.

Podaci o konačnim korisnicima će biti objavljeni na web stranici Vlade Tuzlanskog kantona.

KRITERIJI ZA EVALUACIJU I ODABIR KORISNIKA KREDITNIH SREDSTAVA

Evaluacija i odabir aplikanta će se vršiti u skladu sa trenutno važećim procedurama Sparkasse Bank dd BiH i pozitivnim zakonskim propisima.

DODATNE INFORMACIJE

Sve dodatne informacije vezane za ovaj Javni poziv se mogu dobiti isključivo putem e-maila na info@sparkasse.ba.